



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 06-14-636-7/19
Sarajevo, 24.12.2019. godine

Na osnovu člana 70. st. (1), (3) i (6) Zakona o javnim nabavkama ("Službeni glasnik Bosne i Hercegovine", broj 39/14), člana 8. stav (2) tačka d) Pravilnika o uspostavljanju i radu komisije za nabavke ("Službeni glasnik Bosne i Hercegovine", broj 103/14) na Preporuku Komisija za nabavku, broj: 06-14-636-5/19 od 23.12.2019. godine, u postupku javne nabavke usluge: "Obuka za gašenje zapaljivih tekućina pod pritiskom", Sekretar Uprave u Kantonalnoj upravi civilne zaštite Kantona Sarajevo, po ovlaštenju Direktora Kantonalne uprave civilne zaštite Kantona Sarajevo, broj: 01-05-225/19 od 22.07.2019. godine, *d o n o s i*

ODLUKU
O IZBORU NAJPOVOLJNIJEG PONUĐAČA

Član 1.

Prihvata se Preporuka Komisija za nabavku, broj: 06-14-636-5/19 od 23.12.2019. godine da se u postupku javne nabavke usluge: "Obuka za gašenje zapaljivih tekućina pod pritiskom" putem konkurentskog zahtjeva za dostavu ponude, zaključi Okvirni sporazum na period 12 (dvanaest) mjeseci, sa izabranim ponuđačem, Fraport Slovenija d.o.o., Zgornji Brnik 130A, 4210 Brnik – Aerodrom Slovenija, prema ponudi broj: 02 dostavljenoj dana 20.12.2019. godine za ponudenu cijenu u iznosu od 47.667,96 KM (slovima: četrdesetsedamhiljadašeststotinašezdesetsedam KM i 96/100), kao najpovoljnijem ponuđaču.

Član 2.

Izabrani ponuđač je dužan dostaviti original ili ovjerenu kopiju dokumenta iz člana 45. stav (1) tačka a) Zakona o javnim nabavkama u roku od 5 (slovima: pet) dana, računajući od dana kada je obaviješten o izboru najpovoljnije ponude, ukoliko isti nije dostavljen u sklopu ponude.

Član 3.

Prijedlog Ugovora o nabavci dostavit će se na potpis izabranom ponuđaču nakon isteka roka od 10 (slovima: deset) dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objavit će se na internet stranici Kantonalne uprave civilne zaštite Kantona Sarajevo (**www. kucz.ks.gov.ba**), istovremeno sa upućivanjem ponuđaču koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.



Član 5.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžeta Kantona Sarajevo.

Član 6.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke usluge: "Obuka za gašenje zapaljivih tekućina pod pritiskom" pokrenut je Odlukom o pokretanju postupka javne nabavke broj: 06-14-636/19 od 06.12.2019. godine.

Javna nabavka usluge: "Obuka za gašenje zapaljivih tekućina pod pritiskom" je sprovedena putem Konkurentskog zahtjeva za dostavu ponuda za koji je predviđeno zaključenje Okvirnog sporazuma na period 12 (dvanaest) mjeseci sa jednim izabranim ponuđačem, postavljanjem TD na Portal javnih nabavki.

Procijenjena vrijednost javne nabavke (bez uključenog PDV-a) je do 49.900,00 KM. Obavještenje o nabavci je objavljeno na Portalu javnih nabavki broj: 282-7-2-77-3-48/19, dana 06.12.2019. godine.

Komisija za nabavku, imenovana je Odlukom broj: 06-14-636-1/19 od 06.12.2019. godine.

Komisija za javnu nabavku dostavila je Direktorcu Zapisnik o pregledu i ocjeni ponuda broj: 06-14-636-4/19 od 23.12.2019. godine, Preporuku o izboru najpovoljnijeg ponuđača broj: 06-14-636-5/19 od 23.12.2019. godine i Izvještaj o radu broj: 06-14-636-6/19 od 24.12.2019. godine, u postupku javne nabavke predmetne usluge, a prema specifikaciji iz TD.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjele ponude, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 (jedna) ponuda,
- da je blagovremeno primljena 1 (jedna) ponuda,
- da nije bilo neblagovremeno primljenih ponuda,
- da je ponuda ponuđača Fraport Slovenija d.o.o. kvalifikovana i prihvatljiva za ugovorni organ, da su dostavljeni svi traženi dokazi propisani tenderskom dokumentacijom, na propisan način,

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisija za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima i tenderskom dokumentacijom.

Uvidom u priloženu dokumentaciju, nesporno je da je ponuđač Fraport Slovenija d.o.o. najbolje ocijenjen jer je njegova ponuda u ukupnom iznosu od 47.667,96 KM (slovima:



četrdesetsedamhiljadašeststotinašezdesetsedam KM i 96/100), prema kriteriju za izbor (najniža cijena) rangiran na prvo mjesto i ispunjava sve uslove zadane u tenderskoj dokumentaciji.

U ponudi nije obračunat PDV na osnovu Direktive Evropske unije o porezu na dodatnu vrijednost

Iz navedenih razloga, primjenom člana 32., člana 89., člana 64. stav 1. tačka b), člana 70 st. (1), (3) i (6) Zakona o javnim nabavkama, člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.



Dostavljeno:

- Ponuđaču,
- Sektoru za ekonomske poslove KUCZ KS,
- Ministarstvo finansija Kantona Sarajevo,
- a/a



